

珂雪齋前集

珂雪三前集卷之六

公安鳧隱袁中道著

門人申之程從伸校

詩

穿石望新湘溪諸山

嵐彩縈爲佩春花繡作裳中懸一片鏡照見萬  
山粧盤繞髻雲出淺深眉黛長芙蓉青朶朶彷彿似聞香

又回望穿石

日暮將安去天邊起怒雷回頭望江口香象截  
流來

過新湘溪

壁壁皆生動盤旋不厭多近山存遠態高嶺有  
迴波四展煙屏障全收水縠羅僊人真狡獪幻  
出巧巘阿

水心巘

濯濯春花颭水開丹砂翡翠冷金苔百年三萬  
六千日一日還應繞百迴

雪中望諸山

青蓮花間白蓮開萬簇千攢入眼來別有銷魂  
清豔處水邊雪裏看紅梅

雪中別水心峯

小舫周三匝依然繫石根水中峰雪影天外壁  
波痕易別桃花洞難忘魚網村貪看山意態寒  
沍也如溫

君御隱園卽席奉答釋次其韻

怒猊渴驥等行游那問初春與暮秋溪上穀羅

迎畫舫尊前劍戟射清眸雲煙過眼誰能障宮  
殿隨身不用謀盡買桃花源成小墅祇憑竿水一  
漁舟

德山別楊西來

山水發幽情一月鼎州道來如挾石猊去若穿  
雲鳥楊子素心人一見輸懷抱送我到枉山先  
期入窅窅固是山靈留亦緣交情好梨花流水  
邊一笑破枯槁夜雨滴僧寮數作平子倒人生  
貴知心定交無暮早看君有靈骨蕭然出塵擾

花源山水佳茲行尚草草遲我二三年借子恣  
幽討久住魚網溪高登石困表九疑九向背一  
一窮縹緲金堂玉室間于焉可終老

洞庭雨中

一葉輕舟汎汎鳧捲簾大地總虛無只將千頃  
鵝溪練寫出營丘驟雨圖

八百湖

如雪一湖水繞湖黃菜花高臺新柳色圍着兩  
三家

其二

黃菜黃無極新黃汁染天安能湖變酒一醉藉  
花眠

彭山人洞庭遇盜賦此謔之

郢國有貧客遭時苦不利終歲惟出遊逢人但  
覓刺止見攢眉出未見舒眉至若是帶笑歸決  
定無此事既空鼎州裝復下潭州淚如何赤沙  
間更與綠林遇盜與君無緣君正盜所忌盜賊  
若逢君盜亦大失意張眼看空筇憐君也發喟

沈水壺水部招飲庾樓

春樹綠無極，十里暗郊原。  
不辨章華寺，微露枇杷門。  
緩飲遲新月，開軒翫冶雲。  
庾宅無所屬，今屬我與君。

庾樓乃庾信宅

江風

江風吼怒雷，浩浪渺無極。  
小艇落盤渦，惟餘兩點黑。

雨泊東流縣登淵明祠

東流卽彭澤舊地

山縣雨聲裏，一城靜似眠。  
怒雷時繞地，浩浪不

離天釣艇雲根着垂楊石竇穿醉魂今在否囊  
底有沽錢

其二

陶家無俗蹟風雨也須來木主生寒菌石牀繡  
冷苔庭空榆葉暗城古刺花開何事不沈飲東  
流豈再回

登采石磯

山徑倚江欹綦鳥隣五兩鬱葉藏朱櫺門草深  
餘丈松裏出石巉峰頭聞水響萬山盡約眉譜

眉向水上佇思謫僊人山川留其爽歸舟呼酒  
尊長嘯發清賞

李白祠

淺水雲根繫釣槎芳蹊詰曲逐江斜祠前綠樹  
猶唐世戶外青山卽謝家忽有好聲難辨鳥乍  
聞香氣不知花遙看怪石都無路松裏參差駁  
霧霞

又題祠壁

李白祠前草自生青松無主亂禽鳴獨餘沸水

崩崖處猶帶驚天動地聲

舟中看采石

登嶺窮遙峰下山玩近岫一葉過山根始知此  
山瘦數丈忽中泐芳草如錯繡巖下萬竅空漁  
翁實其竇竇中絕來蹊小舟繫左右緬想此中  
人六鑿應不闕

江行逢龔表弟

黑雲滿汀洲亂石走江岍舟子識熟舟波裏欣  
相見昨夜夢君來今日同歡宴逢雨滴江鳴訊

問直達旦關心惟老親一語託君便游子甚平安無恙舊顏面

哭茂直焦二兄十首

淪落已無天如何命不延逢時偏處後薄命獨居先寒月窺蘿戶秋風罷錦絃東坡猶未艾遽矢小斜川

其二

圭壁隨心唾椒蘭竟體芳全家稱孝友舉國重濫良經折才尤老論交誼獨長頻年絕訊問忽

去斷人腸

其三

人誰不有死子死倍堪嗟弟病煩調藥親衰仗  
理家先霜悲異卉殿雪嘆凡花感此心灰冷餘  
生付釣槎

其四

有客傳消息頻年體未平方書爲本業大散作  
和羹止訝偏多病何期遽隕生早知成衣別飛  
度石頭城

其五

珍珠橋上路一步一酸辛極目繁華地傷心錦  
繡人無方留蠶尾末不近龍唇入骨交情在千  
年豈化塵

其六

若話亡來事蕭條亦可憐青蠅傷弔客白雪散  
遺篇阿鷺今存否童烏竟窅然惟期慧業在才  
鬼勝頑僊

其七

少年蜚麗藻艱苦閱星霜曹植思傷胃楊雲夢  
出腸銀鈎猶未燥縹帙尚餘香雨夜千秋話于  
今憶不忘

其八

好學誰能似光陰惜轉丸銳牀成夙志焯掌戒  
偷安魂去誰招得書存欲續難應爲八法死不  
遇五靈丹

其九

爽池仍翠竹暎沼自長楊止是虞貧賤何曾算

死亡龜羅延伏臙虬甲露文章逝者凌雲去生  
存苦未央

其十

佳麗六朝地我來慘百憂懶行調馬路不上落  
星樓趣隔言常在莎陳淚未休青蓮遺願重未  
劫共薰修

蠹魚行戲贈程全之

程生讀書號書痴與馬途塘總不知老眼隔書  
僅分寸墨花常是染鬚眉自言百事總澹然不

願成佛不願僊惟欲死作老蠹魚遊戲金題玉  
蹊間隨我嬉遊長干道一束靈文自懷抱鳴弦  
鐵撥間伊吾桃葉桃根皆大笑歸來夜夜對燈  
檠夜靜惟聞金石聲胸中千卷飽欲死一任饑  
腸汨汨鳴世人自苦君自樂死作蠹魚亦不惡  
他年飽噉神僊字與汝相將跨雲鶴

大會詞客于秦淮賦得月映清淮流分韻  
得八庚

暝色來鍾岫清輝出冶城人隨歸鳥靜光逐暮

潮生未照烏衣巷先穿朱雀桁水寒漁艇息露  
冷酒船橫密樹沉沉黑雕欄粲粲明七盤迷舞  
態百轉試歌聲桃葉桃根過還須鼓檝迎

登金山

萬派迴江勢孤標挿海門水風悲日夜潮雪濺  
乾坤點啜清泉醉摩挲冷石溫何年濤浪竭  
地看山根

哭陶石簣學士

昔從白社後得奉紫芝顏叔度陂千頃顏淵桂

一山寒渾同朗潔枯木比虛閒道眼能餘幾飄  
然去世間

蔣墅晚發

宿病塵塵減新秋漸漸涼月寒千畝濕樹暗幾  
家藏近岫隨煙沒良苗帶水香櫓柔渾不住夢  
裏過朱方

篁川卽事示函伯

曲阿傳古澹此地益清幽畫閣酣深樹文欄織  
淨流移來銀浦色分得洞庭秋梧子溪邊去穿

花一蕩舟

其二

覓徑依紅藥  
登臺罨紫蘿  
易澄惟月浪  
難靜有風柯  
弛畧恣魚戲  
忘機任鳥歌  
雕胡堪共飽  
不用玉山禾

其三

澄鮮秀媚處  
宛似雪堆庄  
荷葉遮書屋  
流波澹筆牀  
屯雲寒古石  
照水淨新篁  
且莫回橈去  
青溪曲正長

其四

不喜同金谷將無似輞川石倉儲異宇薤葉寫  
新篇聽水俄成韻看雲忽悟禪倚樓頻眺望白  
馬浪光天

初至甘露夜坐

夜深絕頂也須攀水月相遭第一關帶雪寒流  
爭赴海橫江薄霧不遮山空門風物何辭澹病  
後心情且是閑顛史已歸香國去海天墨戲在  
人間

夜月甘露凌雲亭

繞郭峰巒好，訊僧不記名。  
長潮風轉勁，近海月尤明。  
野鶴迎霜唳，山鍾帶葉聲。  
一從多病後，刻刻想無生。

甘露寺中秋

秋節無佳月，何如坐揜扉。  
靜鐘清肺病，哀唄冷心機。  
楚國雙魚斷，秦關一鴈飛。  
塵勞方未艾，湘水幾時歸。

時中郎王試秦中

贈張白瑜

少小不沾羅綺氣青編貪識楊家字爾雅蟲魚  
窮性情神農本草辨精細肘後常繫活人方寸  
田尺宅作生事邇來喜讀竺西書百八胡珠手  
中沸我老最愛陶弘景棄去紅塵伴靈嶺積金  
東澗付芟除十賚爲爾驅毛穎

過瓜州吊蕭啓元

只道生離苦誰將死信傳家貧緣愛客宦拙爲  
嫌錢吳酒雷塘路燕歌杜曲筵天堦溫語後會  
合竟無年

同潘穉恭閱步

一徑穿溪去溪窮得小園僧歸黃葉寺人語白  
沙村肺病猶疎酒心交不擇言十年纔晤對頻  
過莫辭煩

中郎邸中除夕

塵土霏霏換鬢玄拋他浪柳幾迴眠來雲依日  
同今夕漏石分沙想去年去年除  
夕澧州栢子重拈閑  
意味桃花入夢舊因緣只將終夜瓶笙響誤作  
山頭百乳泉

黃梁祠逢張金吾

僊祠在何許垂楊大道口道旁逢故人下馬飲  
杯酒

其二

馬上一千里今朝見柳絮樹下何處郎宛然似  
張緒

其三

入山真是好無奈冶情深安得盧生夢銷除未  
了心

臨漳道中

秀麥好顏色土膏舊綺羅古墳因作堡官道漸  
成河榆葉垂垂落桃花漸漸多道途荒落甚寶  
瑟不聞歌

遊百泉

五里芳菲路依山雪一湖鮫珠鳴石礫鸞尾走  
菰蒲乳水烹茶淨深潭照影無餘生何所願汎  
汎此中鳧

其二

日光來映射潭底幻雲霞凡石皆成怪陳苔盡  
綴花小橋通竹院流水響山家一樹棠梨雪深  
深沒釣槎

其三

偏愛青巘下滌迴湛碧波峰巒添秀媚花鳥倍  
靈和藻鬣涵水鏡石璣隔霧羅近泉三百畝到  
處玉山禾

登九山

九子依稀似攀躋莫厭勞泓渟衛水淨刻露太

行高選石登巘遍郵泉試茗遙東峰多帶土何  
不種夭桃

將至襄中

庭處桃花路家家枳殼籬蔬畦鳴暗滴麥壠發  
香吹山好連雲動沙明與雪疑莫將愁意緒污  
却繡城池

隆中分得從字同于野于林中郎兄賦

攀蹊泉是導度嶺鳥難從一戶丸泥閉千巘籜  
笋重雲中來饁婦花裏見耕農何客偏饒舌呼

河東先生集  
卷之八  
古  
人作卧龍

其二

瞻此幽居勝居然見隱才數椽山郭蔽十畝水  
縈迴火井催人出魚梁罷客來惟餘抱膝處冷  
石繡蒼苔

飲于野王孫謝公巘同于林中郎兄賦

郭外田堪種城邊山好登陰巘泉細細高閣嶂  
層層石長碑文瘦籐深壁髓凝酒闌還授簡賦  
月主人能

送羅伯生之柳州別駕任初爲茂州判皆  
近邊

十年槐市魯諸儒轉眼行邊漢大夫粵嶠山川  
多秀媚瀟湘煙雨正虛無神刀已歷千番淬老  
驥寧辭萬里途好似奕棋真國手未贏數子便  
非輸

贈公琰

欲雪寒江氣象昏征衣猶帶浪花痕可憐千里  
尋知已不見中郎見虎賁

往玉泉八嶺山道中示寶公

棘林脫去任西東，蓋紫堆藍杖履中。  
許邁入山魚得水，蕭家遺墓鳥呼風。  
眼觀碧岫無勞白，顏照青溪儘駐紅。  
一笠一瓢堪自老，是何俗物管城公。

後梁陵墓多近此山

合容曉發道中

居人忙歲暮，野客正山行。  
溪岼月無色，板橋霜有聲。  
分沙寒水淨，積鐵冷峰迎。  
禾黍皆陵鬣，昭丘久已平。

其二

如茲幽邃地能隔幾由延野渡繩爲禱樵篚背  
代肩山頭雙樹好嶺外一僧綠但任年相逼游  
人不問年

玉泉山居

小閣枕鳴泉青松覆峻嶺刁刁一夜風泉聲在  
山頂

山遊

近嶺翠層層遠山望正窅老僧上絕顛先道一

聲好

遊青溪同度門

且莫攀巖去拖藍十里泉飛流鳴古雪淨色似  
秋天秀媚依溪寺淋漓帶水田不圖鄉國內見  
此好山川

其二

初曦明嶺路草木有餘欣曲曲貯秋水山山學  
夏雲亂橋縈澗脈九子露峰紋已過緋桃洞僊  
凡自此分

其三

儘有幽栖地堪怡草木年逢嶮思結屋愛水欲  
求田白糴石蹊淨青螺壁影妍飛禽不到處猶  
自有樵煙

其四

爲尋禽向侶閒逐老聲聞洞灑桃花墨石書竹  
葉紋緩移康樂屐細玩郭熙雲安得常無事深  
山伴鳥耘

其五

巖洞裹珠城重門取次行千年凝雪隱一炬幻  
霞明溜乳盤空變冰蓮蹴地榮僊源知不遠流  
水隔蓬瀛

贈鬼谷道士

桃花洞口老劉郎斑鹿胎冠紫布裳巖日積泉  
充道饌石垣捍土種山糧采來野橡分猿食上  
得危峰似鳥翔說客已收名利志欲依丹鼎駐  
年光

除夕傷亡仲兄示度門

夢中也不料兄亡溫語慈顏竟渺茫骨肉可憐  
零落甚獨來山裏伴支郎

其二

乞取前生舊衲衣永同魚鳥遂沉飛從今海內  
無知己不向深山何處歸

正月四日紫蓋道中懷度門

野客遊山興還隨春草生近雲遮馬過遠雪照  
人明西嶺眉如疊南田掌似平斷鴻零落甚仗  
有道林兄

度門得響水潭將結菴作鄰志喜六首

岫色當門易泉聲繞屋難飛湍鮮草木發響撼  
峰巒正好風前聽偏宜月下看從茲溪畔石常  
有兩蒲團

其二

買山隱不妨勝境借支郎木杓當珠瀑荆柴近  
乳房奔雷無晝夜曳練幾星霜止隔一泓水輪  
蹄有底忙

其三

巖曲宜穿屋山頭好結亭松濤猶有住泉語夏  
無停共鼓離絃曲同聽没字經卜隣非細事法  
侶悵辰星

其四

清流何切切不比俗箏琴愛此圓通耳貽之淨  
鈔音響來神矯健喚起定昏沉便是王官谷何  
須策杖尋

其五

閒來尋石坐偶爾破雲行雪色同溪色松聲戰

水聲掃苔安碗几就乳寘茶鏹不復精禪講聽  
泉過此生

其六

不愛師文字愛師高且真爾寧慙惠遠我欲効  
遺民貝葉收雄辨蓮花結淨因繞溪三百躡吾  
喜得吾隣

遊龍泉胡文定墓上

長袖峰如折寒林翳古丘徑荒麋跡亂塔淨鶴  
翎留風氣有時息松聲不肯休春王正月裏一

蓋耐康侯

登九子

多時餐黛色  
逼視益孤清  
切玉鋒端過  
盤鴉髻  
上行雪明雙水合  
雲展萬峰平  
重見山尤物  
移予選勝情

池州九子山劉禹錫云  
自是天地間一尤物

遊智者洞還道中值雨

拄杖閒穿冷翠圍  
青山奇恠樹芳菲  
藤垂寶絡深遮洞  
水學書文亂蝕磯  
柳影初曦迎客至  
桃花暮雨送人歸  
衝泥更向亭邊去  
帶濕新嵐色

上衣

再遊青溪

體爲登山倦石橋一醉眠澄潭深可畏碧乳淨  
須憐海湧流慙活蘇門色讓玄不知住此者何  
福可消泉

青溪道中看山口占

雲輕石常重石每不如雲石態若如雲不與諸  
石羣昔者郭河陽畫石得三味如雲畫家難茲  
山等熙繪馬上看起伏襍衣生冷翠頻玩發清

顛遂爲石所醉

鳴鳳山

繡嶺重重裹淙流曲曲環撲天砂翠色拔地鼎  
彝山石上桃花麗壇邊鶴使閒鳩頭乘興往且  
住莫愁還

其二

危峰何秀媚冥几亦爲珍歆處微生樹滑來不  
受塵割雲鋒鋸利沐雨鬢髮新好時田堪買明  
年稱道民

其二

遊客且從容山程細玩峰晴巒生墨繡僊宇住  
針鋒破壁常愁墮羈雲每被封青蓮千萬朵莫  
比俗芙蓉

山上飲

濃雲起尊前雨足森森去灑酒入雲中人間聞  
酒氣

鹿苑山

鹿溪纔入眼匝地爛雲迎七度桃花水十重翡翠

翠城安能營數笏便可娛餘生誓欲新蘭若和

公作證盟

此山卽陸法和舊址也

山行懷中郎

流水淙淙逝青山簇簇新不知歸去後舉似與何人

岳陽樓

四望波無極封天雪未銷始驚三楚大欲辨九  
疑遙水氣澄炎國濤聲接海潮君山在咫尺鞭  
石好成橋

其二

白浪滿天地孤舟何所之水明魚眼怒風緊蛤  
帆移積練瑩雙戒跳丸轉二儀欲清名利火來  
對淨琉璃

其三

巴陵共舉杯湖貌待風開一葉隨流去千帆結  
陣來蕭清延羽客震蕩孕騷才斷鴈飄零甚寒  
汀叫轉哀

君山

顛氣盈坤軸安能判水空更無山作障直與海  
爭雄芥子煙雲地扶搖日夜風欲知丹在鼎看  
取旭輪紅

其二

草青微露色沙赤已潛洲夜坐常如月山居不  
異舟龍孫垂萬部鴨脚歷千秋總與僊都似高  
真也愛遊

其三

十里迂迴路茶香勝酒香千畦拳石隱萬鶴一

松藏斑竹偏多笋黃柑可薦觴軒轅臺上好擬  
老白雲鄉

岳陽晚眺

下無波浪上無雲積水長空雨不分雙合江湖  
搖地肺九迴向背織峰文髻螺雉尾陳香案檣  
櫓蠅頭寫練裙日晚拋絲磯上者幾人閑靜得  
如君

別王石洋

粘天濁浪濺征衣驚鴈那堪兩處飛君爲友朋

真不薄我亡兄弟欲何依  
烏林浦上慙慙去青  
草湖頭痛哭歸皓首相莊無異約  
入山同採首  
陽薇

登舟舟在三穴橋

涸盡白石源楊塵久非故  
澄潭貯菱蒲尚認油  
江路

其二

古路小蘭若餉茶愧少錢  
渴時一杯水三管磬  
禩天

其三

斗大夫入城城中搖燕麥止應泐石街曾印香  
絢跡

其四

雨到漩渦密風吹蘆葦開前溪成一笑船載小  
船來

其五

撒手鋪漁網舟欹忽亂流觀其遊戲意可以不  
須舟

蘇雲浦侍御還里時先兄中郎將移櫬入  
里故中及之

忽聞驄馬近喜極淚雙流死友今將至靈車應  
不留畫樓空乳月宿草又傳秋猶記分離語山  
公在勿憂

其二

我哭直隣死君愁亦應深九言黃父曾千里素  
車心驚妾終煩嫁龍唇求絕音知交零落盡不  
忍更商參

卽事

斜陽燒近林林內鳥聲急嫩綠漲平疇一翁背  
手立

送雲浦按山西

豸冠換却鹿胎巾且擲龍湖舊釣緡河上忽來  
周柱史晉中偏用楚才人封天碧岫侵緹扇暎  
水天桃點畫輪酌了國恩同隱去堆藍山裡作  
佳隣

合溶道上

朝辭炎火宅夜度幻霞關水後尋新路雲中認  
熟山危峰仍秀色逋客已塵顏寂寞吾何怨求  
閒已得閒

涪陽道中

雨過煙尚凝濤響江彌靜順水一帆風舟人如  
入定

其二

人家多種樹溪上稻麻密素練已昏黃下見樹  
影黑

其三

夾路刺花繁斜陽鳥語沸雨餘溪水深僮立渡  
牛背

山遊口號

天色欠晴明山行艱杖屨樵人說不妨南上一  
枝雨

五月十三日玉泉道中此日爲關公誕日  
千山萬山雨忽至大珠小珠溪裏沸此是關公  
洗刀雨沾身也帶英雄氣疾雷先雨雨如露停

車且認玉泉樹志士奇窮避地時將軍血戰灰心處

堆藍

朝自堆藍去暮自堆藍還堆藍無所慮只慮樹遮山

其二

不愛山上石不愛山上樹惟愛樹抱石稜稜有媚趣

其三

夢裡識松聲醒餘聞鳥唱慵來忽步簷拭眼數  
山浪

乳窟同無跡伏之閑步

乳窟忽成行臨流有茂樹隔溪苔壁寒拾石渡  
溪去

其二

掃石主敷蒲聽泉客倚杖老僧貌寂然獨坐松  
根上

玉泉夏日山居

好花畱住惡莎焚。趁雨還宜種此君。別壑水來如闔水。他峰雲過似邀雲。閑同天上三禪樂。戲草山家十賚文。月館露臺蕭靜夜。曦端松唄幾迴聞。

其二

幻雨奇雲弄晚天。伊蒲飽後罷安禪。溪籐欲傲堆藍岫。竹杖頻穿疊雪泉。移得雲根和乳滴。採來僊掌帶霞鮮。峰頭趺坐忘歸去。九子青如九

桑蓮

仙掌玉泉茶名

其三

水宜當戶石宜臺  
布置居然小隱才  
紫蓋山僧遺笋至  
清溪道士餉茶來  
編籬已覺朝榮活  
布砌猶欣夜合開  
彈指三生如夢幻  
子雄遺願在

天台

隋袁子雄曾于天台寺爲智者構講堂

其四

乳窟前頭一徑斜  
小橋鴈齒到山家  
孤流震地飛濃雪  
絕壁連天灑幻霞  
十里青松多似韭  
千年白蝠大如鴉  
客來未有盤餐具  
旋汲新泉旋

木茶

贈李次飛

次飛少  
爲開士

遊遍東南勝堆藍共隱  
藏鉛華倚漸盡煙水與  
偏長聲愛漁阿梵書傳  
狸骨方再尋調馬路難  
辨舊支郎

王給練將有卜居東南之志予秋來亦有  
遊興會間共有山行之約有述

寓尚相逢意正投  
枇杷門下不悲秋  
未來玄岳  
峰頭醉先向朱陵頂  
上游朝愛嶺霞同躡  
屐夜

人孤繡虎終潛穴靈凰竟隕梧信來身仆地含  
淚老僧扶

其二

我已亡兄弟孤鴻日夜悲君今復去我年老更  
依誰夜雨披衣坐西風動地吹餘生遊興盡誓  
不到峨眉

其三

閱人頗不少慧業幾能儔妙悟兼三教旁綜及  
九流世祈斟大斗身已付寒丘白馬應相待寧

辭路阻修

其四

體彙四時備技分十輩多博聞窮爾雅妙跡繼  
靈和細雨天人泣陰雲魍魎歌已謀磨鏡去不  
畏峽風波

其五

自聞來紫極終日墜黃牛國少和平福士多珂  
塹憂梧風終夜響蕉雨一天秋豈獨懷恩紀蒼  
生墜未酬

其六

易理通神契玄言細襞分尊前圖地脉掌上辨  
星紋北藥難弘景真書窘右軍名塗少不賤多  
藝孰如君

其七

奪盡江山秀傷哉埋此人詩思通漢魏文氣逼  
周秦紫閣行成幻黃壚信竟真從今佳蹟少遺  
墨倍堪珍

其八

少欲辭婚宦欣然慕阮宣  
冶心泥上絮塵事火  
中蓮自絕青娥癖非關  
白骨禪孔明雖淡泊竟  
亦不延年

其九

北闕談心處西陵泣別時  
常欽行古澹猶記貌  
慈悲青李遂無帖朱絃  
永斷絲神遊定何所夢  
裏報予知

其十

愿義丘山重相從恨不能  
典衣放野鳥賒米飯

名僧神理終難昧佛天應可憑兩兄常入夢今  
又增良朋

九日登中郎沙市宅上三層樓

滿眼傷心處誰能上此樓林煙迷蜀道帆影識  
吳舟視北人何在江南草又秋茱萸空到手欲  
挿淚先流

其二

西瞻巴子國北眺庾公臺林影依沙淨濤聲觸  
嶼迴魚龍存霸氣山水發騷才故侶何人在餘

生亦可哀

又登樓

登樓祇益愁愁極且登樓  
細雨江南樹濃煙渡口舟  
飛塵千萬戶出水兩三洲  
猶記好光景裙簪沙際遊

由草市至漢口小河舟中雜咏

陵谷千年變川原未可分  
長湖百里水中有楚王墳

其二

日暮黑雲生且依龍口住小舟裙作帆笑語過湖去

其三

自發桃花浪白蘋尚滿湖欲知今歲水但看垂楊鬢

其四

衝月漁舸去鳴榔款乃多自身非墨子也不厭朝歌

其五

旭日乍停舟，  
行兩三步登舟，  
且遲遲白沙好  
淨路。

其六

明月漸潛波，  
衝風蹙水面，  
快哉順水船，  
好看船邊岫。

登舟吟效白

九陌飛塵柰樂何，  
纔登小艇便高歌，  
未周春夏秋冬節，  
已歷沮漳江漢波，  
怕邇鉛華熟舊習，  
全憑山水起沉疴，  
欲知火宅非清淨，  
試看居家詩。

幾多

予春夏泛舟沮漳及江今又浮漢水

其二

白蘋寒水白沙洲一段蕭蕭莽莽秋露柳霜楓  
攢小市曉風微月送輕舟勞勞城闕終何事泛  
泛江湖儘自由水態已多山貌少武昌先作九  
峰遊

漢陽感舊

泊天白浪淨無塵惟有孤巒塞去津芳草偏憐  
衡處土桃花不夢息夫人江頭鼓枻機全息漢

上題襟迹已陳屈指光陰今二紀無情癡淚漫

沾巾

志戴漢陽有梳花夫人廟卽息夫人也

贈別梁觀察遷浙江右轄

鼎呂聲名重圭璋德器優朱繩遵道檢白雪凜  
清修淡泊南陽志汪洋叔度流瓊闕無草在易  
水有碑留伏闕多危論匡時見老謀北垣韜指  
略南極著風猷寬博敷條教光明徹蒞幽百城  
膏雨日一署冷霜秋操比衡嶷峻恩同漢沔悠  
清湘無怪鳥繁楚失全牛歌舞方江域旌麾又

越州列藩專大國東海領諸侯五長旬宣夏十  
聯屏翰周山光迎畫扇水氣暎仙舟政暇頻祭  
涉公餘有唱酬行春看柳陣問俗對潮頭管井  
還思浚葑田或再籌大才寧急試時事要相求  
經畫參官府營綜及溘陬高牙來鴈塞彤矢出  
龍樓謬託通家誼深懷明德稠康成常念馬蘇  
子不忘歐濃影資餘葉洪膏借一漚感來三百  
躡非作大人遊

觀音閣夜話

日暮將安去危欄且共凭尊前金口樹窻外漢  
陽燈古廟思文命沉橋說霸陵月寒波淡淡相  
對兩三僧

秋日同巨源伏之世高遊洪山

醒却穠華夢來爲冷石遊紆迴緣綠嶂枕藉見  
紅樓雪影江天靜林煙沙渚浮倚欄神頓爽信  
矣癖山丘

其二

已尋蘿薜徑漸遠市朝塵綠樹深藏寺蒼松徃

對人樓臺驚物力煙水賚閒身迦葉無餘習歌  
吹任北隣

其三

石存前代駁楓飽累朝霜鑿岫筵珠塔登天列  
畫廊重湖何皎潔大地總清涼彈指十年事山  
靈識酒狂

九峰戲作

江水連湖水遍地是瀟湘九峰九朶蓮宛在水  
中央花心梵王居時立如蓮房松竹似花鬚含

玉蕊香集 卷之二 三十一  
裏弄芬芳遊人戲花中欲出旋已忘清夜篝燈  
語似聞蓮花香

與世高廓虛上人夜話

恰好瀟清意僧貧豈是貧竹聲醒客夢松火照  
人親村芋猶堪煮圍茶尚未陳各談山水勝無  
計可分身

登洪山絕頂

遊客嫌荒落孤籐泠泠過遙天秋更淨大地水  
偏多正好茵雲臥還爲扣石歌不須重點綴粉

黛染煙蘿

遊九峰寺

先無念禪師道場

紆廻窮盡水煙鄉  
九點青山一寺藏  
塵覆旃衣思大士  
髯張弓矢拜昭王  
直依巖壁爲紺殿  
高出雲霄起畫廊  
藻井香廚遺制好  
前朝物力也非常

九峰絕頂

獅子巖邊去千峰  
不辨雲誰能拔樹障  
盡與露山紋  
浩浪明雙柳  
晴煙見八分  
莖柴宜此處  
松

火儘堪焚

雙柳溪名八分武昌山

其二

終日探佳麗安能遺髻鬟粉牆陽邏市墨壁富  
川山掃石安蒲淨依松啜茗閒人耽金碧好此  
地有誰攀

黃鶴樓

登臨絕主客清寂倍堪留水國無多地江聲益  
壯秋青山孤繞郭芳草盡潛洲楚稔關天下民  
魚亦可憂

今年大水

再遊黃鶴樓

買看山水興猶清，閑逐兒童樓上行。  
窗外鐘聲大別寺，杯中堞影漢陽城。  
峰連建業何曾斷，浪接瀟湘總未平。  
小艇犯濤如履地，果然水戰利南兵。

登漢陽東門城

朱欄照水殷此地，扼江關芳草思名士。  
濃雲識字山飛流，何日定到海幾會還擾擾。  
千家沸煙

襄一老閣

寄謝石洋居士兼訂匡山之約

留得餘生在升沉豈足輦雲霄爲選客煙水作  
嘉賓湓浦流聲壯匡廬瀑布新且依鬼谷子何  
苦學蘇秦

欲遊沮漳治一小舟已成志喜

性如魚鳥愛沉浮夢到煙波也不愁江漢自雄  
多惡浪沮漳雖小足清流青蓮國裏看雲坐白  
雪灘頭照水遊已似張融無片瓦差同陶峴有  
三舟

醉歌

危樓峨峨挿天半天邊江雪露清倩未辨桃花  
扇裏人先見一室桃花扇盡欄展轉紅袖攀壯  
士髯鬪美人鬟夜半酒客皆咋指將軍已奪崑

崑關

末句用中  
郎酒評語

野鶴

野鶴立苗田見人驚欲起低飛數丈餘依舊下

田裏

梅花鵲巢園中梅花盛開有雀巢于花間

予冬來抱病疏筆研久矣見此偶有詩興  
拜命無煩弟及未央述之和焉

天上無愁侶移居白玉堂應知來驛使偏愛繞  
靈芳泠泠依深雪亭亭噪夕陽仙葩絕匹耦不  
用架橋梁

其二

三匝從今定瑤華第一柯占隨鱗片亂躍下鹿  
胎多尾好還疑蕤舌香也解歌東君消息好終  
作大羹和

鵲尾爐名

大德寺元畫羅漢

開匣手拊識元綃衣上水紋流淡淡大耳長眉  
眼爍人近觀不見遠觀見模糊無處尋題字守  
僧都不知年歲開山長老舊傳言西方神僧自  
貌自

過崔晦之山居兒子能吟予詩偶作

三戟何曾異短籬最憐荷葉滿庭池欲知不淺  
通家意稚子能吟老父詩

正月初四日從公安至三穴橋登新舟往

遊鼎澧時病初愈

病逐寒威散歡隨春草生親朋絕故侶煙水締  
新盟大漢龍孫國東吳虎女城時清無阨塞隨  
意作山行

昇陵街有遺城  
係孫夫人築

澧州晤蔡大叅元履投贈竝志謝

高牙雄峙楚雲阿戟外層峰聚米多白石紫蘭  
同道氣赤沙青草擬恩波片言也帶周秦色大  
鼎能調夷夏和欲識百城無害馬茶山深處有

謳歌

其二

三秀僂人湘水涯等閒唾霧總丹砂  
登朝早已陳千牘問俗何曾廢五車  
飛蓋蘭江看錯繡停舟茹浦愛分沙  
憐才重見裴觀察水竹遙存處士家

澧州逢毛氏大姊以避盜至

瓔珞昨呈夢蛛絲偶到裾水荒多盜賊  
山館暫寧居住世貧兼病同生姊共予  
勝遊親說與不用大雷書

德山閒步

棕笠桃絲杖層峰取次緣綠筠依白水清響答  
鳴泉臺迥舒高嘯松欹供假眠暖風桃李路日  
暮又歸船

德山懷君超

一帆重過湖枕衾依鷗鷺日暮見煙林維舟枉  
山住尚識桃花蹊熟認竹陰路策杖上孤峰倦  
倚枇杷樹老眼倦遠矚况乃多煙霧俯過枉人  
灣綠葉藏丹素樓閣倏已新遊人已非故昔時

賞心地今日斷腸處慧業豈不深薰修俟晚暮  
冶習未消除再來將無恨壑舟送雋人漏箭不  
能住造物亦太憚敢怨不敢怒身如失羣鴈煙  
水動哀訴

李長叔水部以使事至鼎晤于楊文弱席  
上時一別廿餘年矣長叔猶記辛卯下第  
阻風泊漢川民舍予語同行人口此處流  
水孤村寒鴉數點景亦自不惡特吾輩懷  
抱自作崇耳長叔言之予猶依稀記憶回

首往事升沉存亡有如一夢因把筆次其  
事書之扇頭

人生寧有幾一別廿年期流水煙村處秋風暮  
雨時升沉何足問會合也堪奇若不從君飲桃  
花笑我痴

贈文弱令祖可亭翁

雪堆庄外小停舟着舊欣然一笑留洞裏生涯

黃石老朝中圖畫赤泉侯

漢靈帝令蔡邕畫赤泉侯楊喜五代將相

圖煙霞有癖欣同調杖履如飛怯共遊已約漁

郎借避世年年花底奉觥籌

贈文弱

餘生誓不係塵纓  
聖見青山眼倍明  
敢以晚研同尚子  
只將夙悟讓班生  
眉端常帶堆藍色  
夢裏欣聞瀑布聲  
白社舊交零落盡  
與君世外締

新盟

晚研夙悟見謝  
康樂山居賦

德山閑步

飽後煙巒緩緩登  
鏗然閒杖一枝藤  
未能免俗聽山鳥  
旁若無人壯野鷹  
花裏怪崕添秀媚  
竹

閒流水太清澄眼中誰是煙雲伴且對忘機土  
木僧時有野鷹掠食

花源道中紀遊并示文弱

一帆走朱陵揚風如飛箭忽枉故人書藹藹遲  
相見我行亦何常去住惟所便青山與良友等  
爲心所戀急呼舟人止迴舟艤枉岍重作武陵  
客再拾桃花片

其二

攜手上層樓雪浪灑江津隔岍天桃花十里紅

燦人有如謝公妓可望不可親  
開軒來遠黛冥酒羅佳賓我媿爲父黨  
宿悟班嗣隣笑殺輕薄子白頭常如新

其三

武山何坦迤樹裡見樓閣試酌武溪源  
清爽心神豁停舟閱古牌辨析窮奧博  
一里雙魚梁數部鈞天樂

其四

淥蘿如篆刻銘乃駁雲霧下臨百尺潭  
丹碧寫

練素沿溪墜前村都似避秦處停舟入花源攜  
筇臨水步桃花千樹紅花深迷往路帶月石間  
流夜深響瀑布清坐澹忘歸一山滴沿露

其五

漁僊水石聚撥苔尋洞蹊洞後如鐵甕欲往無  
丹梯穿石儼象王截流渡江湄共坐石中央萬  
山盡約眉

其六

新湘溪迴環欲往疑無路山色似攢蓮水文如

東素溪上兩三家非僂有僂趣山神闔予言明年當來住

其七

怪嶁水中央往路臨無底左耳屬于垣右袂影沉水山水實清新胡爲拚一死下嶁復登舟維舟溪山址白石爲茵席明月巖邊起夜深潭水碧清澄徹骨理亂石蹲潭邊森然若奇鬼

其八

拭眼看危峰狂呼欲墜笠常苦膽量劣可玩不

可卽望岫遠息心刀劔視層級昔日伯功曹聞  
鼓以被襲登城數覘賊遂言膽可習旬日遂子  
行竦身凌巽岌徘徊雲漢間身輕等紀粒悞子  
化健兒誰謂老夫力憶從中郎遊常矜勇莫及  
九原誰可作三嘆有餘泣

其九

初日照怡溪舟行窮水派溪水碧可憐下似有  
光怪山溪苦相依山轉溪亦邁舍舟覓舴艋清  
淺見鱗介石骨忽縱橫溪流轉滂湃山膚似鼎

彝拾石以相賚疾流蝕石文懸針與倒碓濤勢  
響玉屑上沸如有械小舟忽已窮跣行縛履芥  
揭衣水至膝力盡與無敗行至龍角亭旋將衣  
履曬漁夫皆莞然樵子亦發喟

其十

水行繼以陸重繭恣登眺靈巖無好膚空中而  
多竅洞與洞相連珠曲暗有道溪流縈洞中迴  
環出深奧乍見雪文蝕又聞水聲聞蛇行入重  
門虛空發光耀綠萼一粲然毛女爲前導朽骨

載腐肉摳衣畏泥淖明明桃花源隔水可呼叫  
欲往不得前緣慳空自弔

贈別文弱

良緣不再合心期會無因年非盛壯時百感增  
酸辛骨肉既相捐良友亦中分西瞻峨眉雪東  
眺禹穴雲中夜念往昔五內忽如焚一朝山水  
間對子有餘欣圭壁慙溫潤蘭蕙失清芬獵石  
終無厭餐霞亦已勤我有新著作一一盡呈君  
寂寞後來者誰能定我文

其二

西京楊與袁煌煌世貴盛朱衣與華輦前後相  
輝映袁氏較繁華不如楊清令謙謙君子德之  
子可欽敬春葩有餘妍冬栢有餘勁持此爲模  
範歸以誡子姓

可亭先生集

卷之六

里

珂雪先生前集卷之六終

乾隆三年九月